



西山先生真文忠公文章正宗卷第二十二上

詩歌

康衢謠 堯時

立我蒸民莫匪爾極不識不知順帝之則 列子堯徵服遊於康衢聞

兒童謠云云堯問之曰孰教爾為此言童兒曰我聞之大夫大夫曰古詩也

擊壤歌

日出而作日入而息鑿井而飲耕田而食帝何力於我

哉 逸士傳堯時有八九十老人擊壤而歌云云

南風詩 舜

商風之薰兮可以解吾民之愠兮南風之時兮可以阜

吾民之財兮

家語昔者舜彈五絃之琴歌南風之詩云云

卿雲歌

舜

卿雲爛兮禮繆繆兮日月光華旦復旦兮

尚書大傳云云

麥秀詩

麥秀漸漸兮禾黍油油彼狡童兮不我好仇

史記箕子朝周過故

製墟咸生黍箕子傷之欲哭則不可欲泣為近婦人乃作麥秀之詩以歌詠之云云狡童者紂也民為流涕

采薇歌

伯夷

登彼西山兮采其薇矣以暴易暴兮不知其非矣神農

虞夏忽然沒兮我安適歸矣于嗟徂矣命之衰矣

前事見

夷傳又周辛甲虞箴祈招詩已各見前卷

飯牛歌

審戚

南山矸白石爛生不遭堯與舜禪短布單衣適至胥從

昏飯牛薄夜半長夜漫漫何時旦

淮南子審戚欲干齊桓公困窮無以自達

飯牛下望見桓公而悲擊牛角而疾商歌曰云云桓公聞曰異哉歌者非常人也命後車載之

廢廢歌

百里奚妻

百里奚五羊皮炊糜糜食伏雌今適富貴忘我為

風俗通百

里奚為秦相堂上作樂所賃澣婦自言知音呼之援琴撫絃而歌云云問之乃其妻也

朱儒歌

魯人

臧之狐裘敗我於狐駘我君小子朱儒是使朱儒朱儒

使我敗於邾

左傳襄公四年邾人言人伐邾臧紇救邾侵邾敗於狐駘國人逆變者皆壘魯於是

乎始鑿國人
誦之曰云云

築者謳

宋人

澤門之皙實與我役邑中之黔實慰我心

左傳宋皇國父為太宰為

平公築臺妨於農收子罕請俟農功之畢公弗許築者謳曰云云

去魯歌

孔子

彼婦之口可以出走彼婦之謁可以死敗

王肅曰婦人

以要使人死敗故可以出走也蓋優哉游哉維以卒歲

史記齊人饋女樂季相子受之

郊又不致膳俎於大夫孔子遂行歌曰云云相公聞之歎曰夫子罪我以羣婢故也

楚狂接輿歌

鳳兮鳳兮何德之衰往者不可諫來者猶可追已而已

而今之從政者殆而

論語楚狂接輿歌而過孔子曰云云孔子下欲與之言趨而辟之不

得與之言。朱文公曰接輿楚人佯狂辟世鳳有道則見無道則隱接輿以此孔子而識其不能隱為德衰也

來者可追言及今尚可隱去殆危接輿蓋知孔子而其趨不同者也

滄浪歌

滄浪之水清兮可以濯我纓滄浪之水濁兮可以濯我

足
子孟子云去孔子曰小子識之清斯濯纓濁斯濯足矣其自取之也

獲麟歌

孔子

唐虞世兮麟鳳遊今非其時來何求麟兮麟兮我心憂

孔叢子

曳杖歌

孔子

泰山其頽乎梁木其壞乎哲人其萎乎檀弓孔子蚤作於門歌曰云云既歌而入當戶而坐子貢聞之曰泰山其頽則吾將安仰梁木其壞哲人其萎則吾將安放夫子始將病也。以上古辭出於經者可信傳記所載者未必當時所作始錄之以俟考實

黃鵠歌次魯寡陶妻

悲夫黃鵠之早寡兮七年不雙死頸獨宿兮不與眾同夜半悲鳴兮想其故雄天命早寡兮獨宿何傷寡婦念此兮泣下數行嗚呼哀哉兮死者不可忘飛鳥尚然兮况於貞良雖有賢雄兮終不重行列女傳寡陶嬰者魯無強昆弟紡績為產魯人聞其義將求焉嬰聞之恐不得免作歌明已之不更二也云云魯人聞之曰斯女不可得已遂不敢復求

紫芝歌四皓

莫莫高山深谷逶迤曠曠紫芝可以療飢唐虞世遠吾將何歸駟馬高蓋其憂甚大富貴之畏人兮不若貧賤之肆志皇甫謐高士傳云云恐未必當時作也

右書傳所載古辭

五言與蘇武

李少卿

良時不再至，離別在須臾。
屏營衢路側，執手野踟躕。
仰視浮雲馳奄忽，互相踰風波。
一失所各在天一隅，長當從此別。
且復立斯須，欲因晨風發。
送子以賤軀。

嘉會難再遇，三載為千秋。
臨河濯長纓，念子恨悠悠。
遠望悲風至，對酒不能酬。
行人懷往路，何以慰我愁。
獨有盈觴酒，與子結綢繆。

攜手上河梁，遊子暮何之。
徘徊躑路側，恨恨不得辭。
行人難久留，各言長相思。
安知非日月，弦望自有時。
努力崇明德，皓首以為期。

蘇子卿

結髮爲夫妻恩愛兩不疑歡娛在今夕嫵婉及良時征夫懷往路起視夜何其參辰皆已沒去去從此辭行役在戰場相見未有期握手一長歎淚爲生別滋努力愛春華莫忘歡樂時生當復來歸死當長相思

怨歌行

班婕妤好

新裂齊紈素皎潔如霜雪裁爲合歡扇團團似明月出入君懷袖動搖微風發常恐秋節至涼風奪炎熱棄捐篋笥中恩情中道絕

長歌行

青青園中葵朝露待日晞陽春布德澤萬物生光暉常恐秋節至焜黃華葉衰百川東到海何時復西歸少壯不努力老大徒傷悲

古詩

行行重行行與君生別離相去萬餘里又在天一涯道路阻且長會面安可知胡馬依北風越鳥巢南枝相去日已遠衣帶日已緩浮雲蔽白日遊子不顧反思君令人老歲月忽已晚棄捐勿復道努力加餐飯

西北有高樓上與浮雲齊交疏結綺牕阿閣三重階上有絃歌聲音響一何悲誰能爲此曲無乃杞梁妻清商

隨風發中曲正徘徊一彈再三歎慷慨有餘哀不惜歌
者苦但傷知音稀願爲雙鴻鶴奮翅起高飛

涉江采芙蓉蘭澤多芳草采之欲遺誰所思在遠道還
顧望舊鄉長路漫漫浩浩同心而離居憂傷以終老

明月皎夜光促織鳴東壁玉衡指孟冬衆星何歷歷白
露沾野草時節忽復易秋蟬鳴樹間玄鳥逝安適昔我
同門友高舉振六翮不念攜手好棄我如遺跡南箕北
有斗牽牛不負輓良無盤石固虛名復何益

庭中有奇樹綠葉繁華滋攀條折其榮將以遺所思馨
香盈懷袖路遠莫致之此物何足貴但感別經時

迢迢牽牛星皎皎河漢女纖纖擢素手札札弄機杼終
日不成章泣涕零如雨河漢清且淺相去復幾許盈盈
一水間脉脉不得語

迴車駕言邁悠悠涉長道四顧何茫茫東風搖百草所
遇無故物焉得不速老盛衰各有時立身苦不早人生
非金石豈能長壽考奄忽隨物化榮名以爲寶

孟冬寒氣至北風何慘慄愁多知夜長仰觀衆星列三

五明月滿四五蟾兔缺客從遠方來遺我一書札上言
長相思下言久離別置書懷袖中三歲字不滅一心抱

區區懼君不識察

苦寒行 魏武帝

北上太行山，艱哉何巍巍。羊腸坂詰屈，車輪為之摧。樹木何蕭瑟，北風聲正悲。熊羆對我蹲，虎豹夾路啼。谿谷少人民，雪落何霏霏。延頸長歎息，遠行多所懷。我心何怫鬱，思欲一東歸。水深橋梁絕，中路正徘徊。迷惑失故路，薄暮無宿栖。行行日已遠，人馬同時飢。檐囊行取薪，斧冰持作糜。悲彼東山詩，悠悠使我哀。
魏武之詩見於選者有短歌行及此篇短歌之辭無敢貶之者以愚觀之杜康始釀者也今日惟有杜康則幾於謔矣周公吐哺為王室致士也若操之致士特為傾漢計爾操又有碣石篇云老驥伏櫪志在千里烈士暮年壯心不已王處仲每醉歌此辭以盡如意擊唾壺為之缺豈非二人之心事若合符契故鄉慕若是之深耶今皆不取獨此篇猶有憫勞郵

下之意
故錄之

善哉行 魏文帝

上山采薇，薄暮苦飢。谿谷多風，霜露沾衣。野雉羣雛，猿猴相追。還望故鄉，鬱何壘壘。高山有崖，林木有枝。憂來無方，人莫之知。人生如寄，多憂何為。今我不樂，歲月如馳。湯湯川流，中有行舟。隨波回轉，有似客遊。策我良馬，被我輕裘。載馳載驅，聊以忘憂。
文帝詩之入選者芙蓉池居其首末章云壽命非松喬安能得神仙越遊抉心意保己終百年其言何以異於秦二世陳壽譏其不能邁志存道克廣德心信矣哉此篇未語亦此意以其中可有可采者姑錄之

雜詩

漫漫秋夜長烈烈北風涼展轉不能寐披衣起彷徨
彷徨已久白露沾我裳俯視清水波仰看明月光天漢
迴西流三五正縱橫草蟲鳴何悲孤雁獨南翔鬱鬱多
悲思絲絲思故鄉願飛安得翼欲濟河無梁向風長歎
息斷絕我中腸西北有浮雲亭亭如車蓋惜哉時不遇
適與飄風會吹我東南行南行至吳會吳會非我鄉安
能久留滯棄置勿復陳客子常畏人

七哀詩

王仲宣

西京亂無象豺虎方遘患復棄中國去遠身適荆蠻親
戚對我悲朋友相追攀出門無所見白骨蔽平原未知
身死處何能兩相完驅馬棄之去不忍聽此言南登霸
陵岸迴首望長安悟彼下泉人喟然傷心肝

送應氏詩

曹子建

清時難屢得嘉會不可常天地無終極人命若朝霜願
得展嬾婉我友之朔方親昵並集送置酒此河陽中饋
豈獨薄賓飲不盡觴愛至望苦深豈不愧中腸山川阻
且遠別促會日長願爲比翼鳥施翮起高翔

七哀詩

明月照高樓流光正徘徊上有愁思婦悲歎有餘哀借
問歎者誰言是宓子妻君行踰十年孤妾常獨棲君若

清路塵妾若濁水泥浮沉各異勢會合何時諧願為西南風長逝入君懷君懷良不開賤妾當何依

贈丁儀王粲

從軍度函谷驅馬過西京魏志曰建安二十一年公西征張魯山岑高無

極涇渭揚濁清壯哉帝王居住佳麗殊百城負闕出浮雲

承露繁泰清皇佐揚天惠四海無交兵權家雖愛勝全

國為令名君子在末位不能歌德聲丁生怨在朝王子

歡自營歡怨非貞則中和誠可經

贈白馬王彪

謁帝承明廬折將歸舊疆陸機洛陽記曰承明門後宮出入之門吾常恠謁帝承明

廬問張公云魏明帝作建始殿朝會皆由承明門清晨發皇邑日夕過首陽伊

洛廣且深欲濟川無梁汎舟越洪濤怨彼東路長顧瞻

戀城闕引領情內傷其一

太谷何寥廓山樹鬱蒼蒼霖雨泥我塗流潦浩縱橫中

逵絕無軌改轍登高崗脩坂造雲日我馬玄以黃其二

玄黃猶能進我思鬱以紆鬱紆將難進親愛在離居本

圖相與偕中更不克俱鳴臬鳴衡拒材狼當路衢蒼蠅

間白黑讒巧令親踈欲還絕無蹊攬轡上踟躕其三

踟躕亦何留相思無終極秋風發微涼寒蟬鳴我側蔡邕

月令章句曰寒蟬應陰而鳴鳴則天涼故謂之寒蟬也原野何蕭條白日忽西匿

歸鳥赴喬林。翩翩厲羽翼。孤獸走索羣。銜草不遑食。感物傷我懷。撫心長太息。其四

太息將何爲。天命與我違。奈何念同生。一往形不歸。魏志

曰武皇帝下皇后生任城王彰陳思王植孤魂翔故城。靈柩寄京師。存者忽

復過。亡沒身自衰。人生處一世。去若朝露晞。年在桑榆

間。影響不能追。自顧非金石。咄嗟令心悲。其五

心悲動我神。棄置莫復陳。丈夫志四海。萬里猶比隣。思

愛苟不虧。在遠分日親。何必同衾情。然後展慇懃。憂思

成疾。疾無乃兒女仁。倉卒骨肉情。能不懷苦辛。其六

苦辛何慮思。天命信可疑。虛無求列仙。松子久吾欺。變

故在斯須。百年誰能持。離別永無會。執手將何時。王其
愛玉體。俱享黃髮期。收淚即長路。援筆從此辭。其十

筮篋引

置酒高殿上。親友從我遊。中厨辦豐膳。烹羊宰肥牛。秦

箏何慷慨。齊瑟和且柔。陽阿奏奇舞。京洛出名謳。樂飲

過三爵。緩帶傾庶羞。禮記曰君子之飲酒也一爵而色

退主稱千金壽。賓奉萬年酬。父老不可忘。薄終義所尤。

謙謙君子德。磬折欲何求。驚風飄白日。光景馳西流。盛

時不可再。百年忽我遒。生在華屋處。零落歸山丘。先民

誰不死。知命亦何憂。

白馬篇

白馬飾金羈連翩西北馳借問誰家子幽并遊俠兒少
小去鄉邑揚聲沙漠垂宿昔秉良弓枯矢何參差控絃
破左的右發摧月支仰手接飛猱俯身散馬蹄狡捷過
猴援勇剽若豹蠅邊城多警急胡虜數遷移羽檄從北
來厲馬登高墜長驅蹈匈奴左顧交鮮卑棄身鋒刃端
性命安可懷父母且不顧何言子與妻名編壯士籍不
得中顧私捐軀赴國難視死忽如歸

高臺多悲風朝日照北林

此六篇並託喻傷政急朋友道絕賢人
雜詩為入竊勢別京已後在郢城思鄉而作
新語曰高臺喻京師悲風喻
教令朝日喻君之明照北林

言挾比
喻小人

之子在萬里江湖迥且深

江湖喻小
人隔蔽

方舟安可

極離思故難任孤鴈飛南遊過庭長哀吟翹思慕遠人
願欲託遺音形影忽不見翩翩傷我心

轉蓬離本根飄颻隨長風何意迴飈舉吹我入雲中高
高上無極天路安可窮類此遊客子捐軀遠從戎毛褐
不掩形薇蕢常不充去去莫復道沉憂令人老

西北有織婦綺縠何繽紛明晨秉機杼日具不成文太

息終長夜悲嘯入青雲妾身守空閨良人行從軍自期

三年歸今已歷九春飛鳥繞樹翔嗷嗷鳴索羣願為南

流景馳光見我君

南國有佳人容華若桃李朝遊江北岸日夕宿湘沚時
俗薄朱顏誰爲發皓齒俛仰歲將暮榮耀難久恃

僕夫早嚴駕吾將遠行遊遠遊欲何之吳國爲我仇將
騁萬里塗東路安足由江介多悲風淮泗馳急流願欲
一輕濟惜哉無方舟閑居非吾志甘心赴國憂

飛觀百餘尺臨牖御櫺軒遠望周千里朝夕見平原烈
士多悲心小人媮自閑國讎亮不塞甘心思喪元拊劍
西南望思欲赴太山紆急悲聲發聆我慷慨言

怨歌行

爲君既不易爲臣良獨難忠信事不顯乃有見疑患周

公佐成王金滕功不刊推心輔王室二叔反流言待罪
居東國泣涕當留連皇靈大動變震雷風且寒拔樹偃
秋稼天威不可干素服開金滕感悟求其端公旦事旣
顯成王乃哀歎吾欲竟此曲此曲悲且長今日樂相樂
別後莫相忘

贈從弟

劉公幹

亭亭山上松瑟瑟谷中風風聲一何盛松枝一何勁冰
霜正慘愴終歲常端正豈不罹凝寒松柏有本性鳳凰
集南嶽徘徊孤竹根於心有不厭奮翅凌紫氛豈不常
勤苦羞與黃雀羣何時當來儀將須聖明君

雜詩

職事相填委文墨紛消散馳翰未暇食日具不知晏沈
迷簿領書回回自昏亂釋此出西城登高自遊觀方塘
含白水中有意與鴈安能肅肅羽從爾浮波瀾

詠歌 阮嗣宗

夜中不能寐起坐彈鳴琴薄帷鑑明月清風吹我衿孤

鴻號外野朔鳥鳴北林徘徊將何見憂思獨傷心嗣宗身仕

亂朝常恐罹謗遇禍因茲發詠故每有憂生之嗟雖志在刺譏而文多隱避百代之下難以情測故粗明大意略其幽旨也

二妃遊江濱逍遙順風翔交甫懷環珮婉孌有芬芳猗

靡情歡愛千載不相忘傾城迷下蔡容好結中腸感

激生憂思諠草樹蘭房膏沐為誰施其雨怨朝陽如

何金石交一旦更離傷沈約曰婉孌則千載不忘金

如好色

嘉樹下成蹊東園桃李秋風吹飛蓬零落從此始沈約

曰風吹飛蓬之時蓋桃李零落之日繁華有憔悴堂上華實既盡柯葉又彫無復一毫可悅

生荆杞言無常也驅馬舍之去去上西山趾一身不自保何

况戀妻子沈約曰榮悴去就此人本無保身之術况復妻子者乎凝霜被野草歲

暮亦云已

天馬出西北由來從東道春秋非有託富貴焉常保清

露被皇蘭凝霜露野草朝為媚少年夕暮成醜老自非
王子晉誰能常美好

昔聞東陵瓜近在青門外連軫距阡陌子母相鉤帶五

色曜朝日嘉賓四面會軫當為珍揚子太玄經注曰吟

記曰邵平者故秦東陵侯秦破為布衣貧種瓜於膏火

自煎熬多財為患害布衣可終身寵祿豈足賴

步出上東門北望首陽岑下有采薇士上有嘉樹林良

辰在何許凝霜露衣襟寒風振山岡玄雲起重陰沈約

辰何許言世路險薄非良辰也風霜交至至凋殞非一鳴

鴈飛南征鷓鴣發哀音素質游商聲淒愴傷我心

灼灼西墮日餘光照我衣迴風吹四壁寒鳥相因依周

周尚銜羽蛩蛩亦念飢韓子曰鳥有周周者首重而屈

而飲今人之所有飢不足者不可以不索其羽矣爾雅

曰西方有比有獸焉與叩叩距虛比為叩叩距虛齧甘

豈為夸譽名惟悴使心悲寧為鸞雀翔不隨黃鵠飛黃

鵠遊四海中路將安歸

秋胡行 緜叔夜

富貴尊榮憂患諒獨多富貴尊榮憂患諒獨多古人所

懼豐屋蔀家人害其上獸惡網羅惟有貧賤可以無他

歌以言之富貴憂患多

貧賤易居貴盛難為工貧賤易居貴盛難為工耻佞直
言與禍相逢變故萬端俾吉作凶思牽黃犬其莫之從
歌以言之貴盛難為工

勞謙有有字恐悔忠信可以久安勞謙有悔忠信可以久安
天道害盈好勝者殘彊梁致災多招禍患欲得安樂獨
有無愆歌以言之忠信可以久安

贈人從軍

息徒蘭圃秣馬華山流磻平臯垂綸長川目送歸鴻手
揮五絃俯仰自得遊心泰玄嘉彼釣叟得魚忘筌莊子
子鈞於濮水之上又曰筌者所以得魚也得魚而忘筌
蹄者所以在兔也得兔而忘蹄言者所以在意也得意

而忘言吾焉得夫志言之人而與之言哉郢人逝矣誰與盡言莊子曰莊子
送葬過惠子

之墓顧謂從者曰郢人聖瓊其鼻端若蠅翼使匠石斷
之匠石運斤成風聽而斷之盡聖而鼻不傷郢人立不失
容宋元君聞之召匠石曰嘗試為寡人為之匠石曰臣
則嘗能斷之雖然臣質死久矣自天子之死也吾無以
為質矣吾無與言也

詠史左太冲

弱冠弄柔翰卓犖觀羣書著論準過秦作賦擬子虛邊
城苦鳴鏑羽檄飛京都雖非甲冑士疇昔覽穰苴史記

馬穰苴者田完之苗裔也齊景公以為將軍將兵打燕
晉之師其後田和因自立為齊威王用兵行威大放穰
苴之法而附穰苴其中因號曰司馬穰苴兵法長嘯激
清風志若無東吳鉞刀貴一割夢想騁良圖左眄澄江

湘石盼定羌胡功成不受爵長揖歸田廬

鬱鬱澗底松離離山上苗以彼徑寸莖蔭此百尺條世

胄躡高位英俊沉下僚地勢使之然由來非一朝金張

藉舊業七葉珥漢貂班固漢書金日磾贊曰夷狄亡國

葉自武至平也又張湯傳贊曰張氏之子孫相繼自宣

元以來為侍中中常侍者凡十餘人功臣之後惟有金

氏張氏親近貴寵比於外戚珥插也董巴馮公豈不偉

白首不見招

吾希段干木偃息潘魏君吾慕魯仲連談笑却秦軍當

世貴不羈遭難能解紛功成不受賞高節卓不羣史記

軍引去平原君欲封魯連魯連辭謝終不肯受平原君

乃置酒酒酣起前以千金遺魯連魯連笑曰所貴乎天

下之士者為人排患釋難解紛而不取也即有取臨組

者是商賈之事而連不忍為也遂辭平原君而去臨組

不肯綵對珪不肯分王逸楚辭注連璽耀前庭比之猶

浮雲

濟濟京城內赫赫王侯居冠蓋蔭四術朱輪竟長衢朝

集金張館暮宿許史廬漢書蓋寬饒曰上無許南鄰擊

鍾磬北里吹笙竽寂寂楊子宅門無卿相輿寥寥空宇

中所講在玄虛言論準宣尼辭賦擬相如悠悠百世後

英名擅八區

昨天舒白日靈景耀神州列宅紫宮裏飛字若雲浮我

我高門內藹藹皆王侯自非攀龍客何為歛來遊被褐

出閭闔高步追許由振衣千仞崗濯足萬里流

招隱

杖策招隱士荒塗積古今曾連子曰連却秦軍平原君欲封之遂杖策而去右

穴無結構丘中有鳴琴尚書大傳子夏曰弟子受書於夫子者不敢忘雖退而嚴居河

濟之間深山之中作壞室尚彈琴其中白雲停陰岡丹葩

曜陽林石泉漱瓊瑤纖鱗或浮沉非必絲與竹山水有

清音何事待嘯歌毛詩曰其嘯也歌又曰集于灌木毛萇詩傳曰

灌叢也秋菊兼糝糞幽蘭間重襟躊躇足力煩聊欲投吾

簪

勵志 張茂先

大儀軒運天迴地游大儀太極也以生天地謂之大儀大成形之始謂之儀四氣鱗

次寒暑環周星火既夕忽焉素秋涼風振落熠耀霄流

其一吉士思秋寔感物化淮南子曰春女悲秋士哀而知物化矣日與月

與荏苒代謝逝者如斯曾無日夜嗟爾庶士胡寧自舍

其二仁道不遐德輶如羽求焉斯至衆鮮克舉大猷玄

漠將抽厥緒先民有作貽我高矩其三雖有淑姿放心

縱逸出般于游居多暇日如彼梓材弗勤丹漆雖勞樸

斲終負素質其四養由矯矢獸號于林淮南子曰楚恭王遊于林中有

白援綠木而矯王使左右射之騰躍避矢不能中於是使由其撫弓而眇援乃抱木而長號何者誠在於心而

精通於物捕盧絜繳神威飛禽捕盧舊說云即浦且也未伎之妙動物

應心研精軌道安有幽深其五安心恬蕩棲志浮雲體

之以質彪之以文如彼南畝力未既勤蔗黍致功必有

豐毅其六水積成淵載瀾載清土積成山敲篆鬱冥山

不讓塵川不辭盈管子曰海不辭水故能成其大山不辭土故能成其高士不厭學故能成

其勉爾含弘以隆德聲其七高以下基洪由纖起川廣

自源成人在始累微以著乃物之理纏牽之長實累千

里其八凡言物之大必資於小故此言若輕於小亦累於大戰國策段干越謂韓相新成君曰昔王良弟

子駕千里之馬過京父之弟子京父之弟子曰馬千里

之馬也服千里之服也而不能取千里何也曰子纏牽

長故纏牽於事萬分之一也而難千里之行今臣雖不肖於秦亦萬分之一也而相國見臣不擇者是纏牽長

也千里之馬繫以長索則為累矣復禮終朝天下歸仁人雖有容貌不脩德如千里馬也

若金受礪若泥在鈞進德脩業暉光日新際朋仰慕予亦何人其九

荅何劭

吏道何其迫窘然坐自拘纓綬為微纏文憲焉可踰恬

曠苦不足煩促每有餘良朋貽新詩示我以遊娛穆如

灑清風爽若春華敷自昔同寮家於今比園廬臧榮緒晉書曰

惠帝即位劭為太子太師又曰武帝崩華為太子少傅然考乎其時事正相接故曰同寮也衰疾近

辱殆庶幾並懸輿散髮重陰下抱杖臨清渠屬耳聽鶯

鳴流目翫儵魚從容養餘日取樂於桑榆

洪鈞陶萬類大塊稟羣生明闇信異姿靜躁亦殊形自

予及有識志不在功名虛恬竊所好文學少所經忝荷
既過任白日已西傾道長苦智短責重困才輕周任有
遺規其言明且清負乘為我戒夕陽坐自驚是用感嘉
貺寫心出中誠發為篇雖溫麗無乃違其情

雜詩 傅介奔

志士惜日短愁人知夜長攝衣步前庭仰觀南鴈翔玄
景隨形運流響歸空房清風何飄飄微月出西方繁星
依青天列宿自成行蟬鳴高樹間野鳥號東箱王逸楚辭注曰
箱東箱也織雲時髮鬢渥露沾我裳良時無停景北斗
忽低昂常恐寒節至凝氣結為霜落葉隨風摧一絕如

流光

七哀 張孟陽

北芒何巖巖高陵有四五借問誰家墳皆云漢世主恭
文遙相望原陵鬱膺膺季世喪亂起賊盜如豺虎毀壤
過一杯便房啓幽戶一 杯喻少也漢書張釋之曰恨令
日便房塚珠押離玉體珍寶見剽虜魏文帝典論曰喪
壤中室也無不發掘至乃燒取王神金綵體骨并盡西京雜記曰
漢帝及王侯送死皆珠襦玉匣王匣形如鎧甲連以金
綵園寢化為墟周塋無遺堵蒙龍荆棘生蹊迳登童豎
狐兔窟其中蕪穢不復掃頽隴並墜發萌發營農圃昔
為萬乘君今為丘山土感彼雍門言悽愴哀往古相子新論

曰雍門周以琴見孟嘗君曰臣竊悲千秋萬歲後墳墓生荆棘孤兔穴其中燕兒收豎蹶躅而歌其上行人見之接槍孟嘗君之尊貴如何成此乎孟嘗君喟然嘆息決下承睫

秋風吐商氣蕭瑟掃前林陽鳥收和響寒蟬無餘音白

露中夜結木落柯條森朱光馳北陸浮景忽西沉漢書云日

行北陸謂之冬杜預左氏傳注曰陸道也顧望無所見惟觀松栢陰肅肅高

桐枝翩翩栖孤禽仰聽離鴻鳴俯聞蜻蛚吟哀人易感

傷觸物增悲心丘隴日已遠纏綿弥思深憂來令髮白

誰云愁可任徘徊向長風淚下露衣襟

詠史

昔在西京時朝野多歡娛謁謁東都門羣公祖二疎朱

軒曜金城供帳臨長衢達人知止足遺榮忽如無抽簪解朝衣散髮歸海隅行人為隕涕賢哉此丈夫揮金樂當年歲暮不留儲顧謂四坐賓多財為累患清風激萬代名與天壤俱咄此蟬冕客君紳宜見書

雜詩

秋夜涼風起清氣蕩暄濁蜻蛚吟階下飛蛾拂明燭易通

卦驗曰立秋蜻蛚鳴云云君子從遠役佳人守螢獨君子謂夫也離居幾

何時鑽燧忽改木鄒子曰春取榆柳之火夏取棗杏之火

冬取柞檀之火房櫳無行跡庭草萋以綠青苔依空牆蜘蛛網

四屋感物多所懷沉憂結心曲

大火流坤維。白日馳西陸。續漢書曰：日行西陸，謂之浮

陽映翠林。迴颺扇綠竹。飛雨灑朝蘭。輕露棲叢菊。龍蟄

暄氣凝。天高萬物肅。弱條不重結。芳蕤豈再馥。人生瀛

海內。勿忽如鳥過目。史記鄒衍曰：中國名赤縣中州也。中

於是有瀛海環之。人民禽獸莫能相通者。如一區中者。乃為一州。如此者九。乃有大瀛海環之。其外天地之外

也。川上之歎逝。前脩以自勗。

此鄉非吾地。此郭非吾城。羈旅無定心。翩翩如懸旌。出

覩軍馬陣。入聞鞞鼓聲。常懼羽檄飛。神武一朝征。長鈇

鳴鞘中。烽火列邊亭。楚辭曰：帶長鈇之陸離。舍我衡門

衣。更被縵胡纓。莊子：趙太子悝曰：吾王所好，劍疇昔懷

微志。帷幕竊所經。何必操干戈。堂上有奇兵。呂氏春秋

為荆使於宋。司城子罕勝之。南家之壘。於其前而不

直。西家濼注於庭下而不正。問其故。子罕曰：南家鞞工

也。吾徒之。其父曰：吾恃鞞而食三葉矣。今徒求鞞者不

知吾處。吾將不食。故不徒也。西家高吾宮卑。濼注吾宮

也。下。故不禁也。荆適興兵攻宋。尹施歸諫而止。孔子聞

之曰：夫修之廟堂之上。折衝千里之外。其司城子罕之

乎。謂折衝樽俎間。制勝在兩楹。晏子春秋曰：晉平公使范

昭起曰：願得君之樽為壽。公令左右酌樽以獻。晏子命

徹去之。范昭不悅而起。僂頤太師曰：為我奏成周之樂。

太師曰：盲臣不習。范昭歸謂平公曰：齊未可并。吾欲試

其君。晏子知之。吾欲犯其樂。太師知之。於是輟伐齊謀。

孔子聞之曰：善哉。不出樽俎之間。而折衝千里之外。晏

子之謂也。高誘呂氏春秋注曰：折衝者。衝車所以衝突

也。敵之軍能陷破也。欲攻已者。折還其衝車於千里之

外。不敢來也。孫子兵法曰：水因地而制行。兵因敵而制

勝。李奇漢書注曰：制折也。漢書杜鄴說：王音曰：所接雖

在楹階俎豆之間。其於為國折衝。厥難豈不遠哉。兩楹

文士上上

賓主之巧遲不足稱拙速乃垂名

補亡 東廣微

南陔孝子相戒以養也 毛詩序曰有其義而亡其辭子夏序曰南陔廢則孝友缺矣聲

類曰陔龍也

循彼南陔言采其蘭眷戀庭闈心不遑安 庭闈親之所居眷戀思慕

也彼居之子罔或游盤擊爾夕膳繁爾晨飧循彼南陔

厥草油油彼居之子色思其柔眷戀庭闈心不遑留馨

爾夕膳潔爾晨羞有獺有獺在河之涘凌波赴汨噬魴

捕鯉噉噉林鳥受哺于子 爾雅曰純黑而反哺者鳥也毛詩曰相彼反哺尚在翔禽

養隆敬薄惟禽之似勗增爾虔以介丕祉

白華孝子之潔白也 言孝子養父母常自潔如白華之無點汙也子夏序曰白華廢則廉

耻缺矣

白華朱萼被于幽溥粲粲門子如磨如錯 周禮曰正室

玄曰正室適子將代父當門者終晨三省匪惰其恪白華絳趺在陵之

陬精精士子涅而不渝竭誠盡敬豐豐忘劬白華玄足

在丘之曲堂堂處子無營無欲鮮佯晨葩莫之點辱 與

玷古字通

陟陽侯詩 孫子荆

晨風飄歧路零雨被秋草傾城遠追送餞我千里道三

命皆有極咄嗟安可保 養生經黃帝曰上壽百二十中壽百八十下壽八十莫大

於殤子彭聃猶為天

莊子南郭子綦曰天下莫大於秋

而彭祖為夭郭象曰夫以形相對則太山大於秋毫若

各據其性分物冥其極則形大未為有餘形小未為不

足苟各安其性則秋毫不獨小其小太山不獨大其大

矣苟以性足為大則天下之足未有過於秋毫也若性

不足者非大則雖太山亦可稱小矣故曰莫大於秋毫

之未而太山為小太山為小則天下無大矣秋毫為大

則天下無小矣無大無小無壽無天是以螻蛄不

羨大椿而欣然自得斥鴳不貴天地而榮願已足

如糾纏憂喜相紛繞

漢書音義應劭曰禍福相為表裏

如糾纏索纏三股索言禍福之相糾

如此鵬鳥賦曰禍之與福何異糾纏天地為我爐萬物

一何小達人垂大觀誠此苦不早再離即長衢惆悵盈

懷抱孰能察其心鑒之以蒼昊齊契在人朝守之與偕

老

招隱詩 陸士衡

明發心不爽振衣聊躑躅躑躅欲安之幽人在陵谷朝

採南澗藻夕息西山足輕條象雲構密葉成翠幄激楚

佇蘭林回芳薄秀木

上林賦曰激楚結風楚

猛虎行

渴不飲盜泉水熱不息惡木陰惡木豈無枝志士多苦

心尸子曰孔子至於勝母暮矣而不宿過於盜泉渴矣

而不飲惡其名也江陵文釋云管子曰夫士懷耿介

之心不蔭惡木之枝惡木尚能耻之况与惡人同

整駕

肅時命杖策將遠尋。飢食猛虎窟。寒栖野雀林。日歸功
未建。時往歲載陰。崇雲臨岸駭。鳴條隨風吟。靜言幽谷
底。長嘯高山岑。急絃無憐響。亮節難為音。人生誠未易。
曷云開此衿。眷我耿介懷。俯仰愧古今。

短歌行

置酒高堂。悲歌臨觴。人壽幾何。逝如朝霜。時無重至。華
不載陽。頽以春暉。蘭以秋芳。來日苦短。去日苦長。今我
不樂。蟋蟀在房。樂以會興。悲以別章。豈曰無感。愛為子
忘。我酒既旨。我有既臧。短歌有詠。長夜無荒。

塘上行

五言歌錄白塘上行古辭或云甄皇后
造或云魏文帝或云武帝歌曰蒲生我

池中樂何
一離離

江離生幽渚。微芳不足宣。被蒙風雲會。移居華池邊。發
藻玉臺下。垂影滄浪泉。沾潤既已溼。結根與且堅。四節
逝不處。華繁難久鮮。淑氣與時殞。餘芳隨風捐。天道有
遷易。人理無常全。男惟智傾愚。女愛衰避妍。不惜微軀
退。但懼蒼蠅前。願君廣末光。照妾薄暮年。

扶風歌

劉越石

朝發廣莫門。莫宿丹水山。左手彎繁弱。右手揮龍淵。顧
瞻望宮闕。俯仰御飛軒。據鞍長歎息。淚下如流泉。繫馬
長松下。發鞍高岳頭。烈烈悲風起。冷冷澗水流。揮手長

相謝哽咽不能言。浮雲爲我結。歸鳥爲我旋。去家日已
遠。安知存與亡。慷慨窮林中。抱膝獨摧藏。麋鹿遊我前。
猿猴戲我側。資糧既乏盡。薇蕨安可食。攬轡命徒侶。吟
嘯絕巖中。君子道微矣。夫子故有窮。惟昔李騫期。寄在
匈奴庭。忠信反獲罪。漢武不見明。我欲競此曲。此曲悲
且長。弃置勿重陳。重陳令心傷。

遊僊

郭景純

翡翠戲蘭苕。容色更相鮮。綠蘿結高林。蒙籠蓋一山中。
有冥寂士。靜嘯撫清絃。放情凌霄外。嚼藥挹飛泉。赤松
臨上游。駕鴻乘紫煙。左挹浮丘袖。右拍洪崖肩。借問蟬

游輩寧知龜鶴年

西山先生真文忠公文章正宗卷第二十二上

